

MËSIMI 66

1. Pse nuk donin drejtuesit judej që ta arrestonin Jezusin gjatë festës së Pashkës?

-Për shkak se kishin frikë që nëse do ta arrestonin Jezusin gjatë festës së Pashkës, njerëzit do të krijonin trazirë.

2. A e dinte Juda që kishte lindur në mëkat dhe që ai kishte nevojë për Jezusin si Shpëtimtarin e tij?

-Jo.

3. Kush e drejtoi Judën që të tradhëtonte Jezusin?

-Satani.

4. Pse donte Satani që Juda ta tradhëtonte Jezusin?

-Sepse Satani e urren Jezusin.

5. Pse e urren Satani Jezusin?

-Sepse Jezusi është Perëndi.

-Sepse Jezusi flet të vërtetën.

6. Pse donte Satani që drejtuesit judej ta vrisnin Jezusin.

-Në mënyrë që Jezusi të mos i shpëtonte njerëzit.

-Në mënyrë që Jezusi të mos e shkatërronte fuqinë e mëkatit, vdekjes dhe Satanit.

7. Si thanë profetët, kush do ta tradhëtonte Jezusin?

-Një mik i ngushtë i tij.

8. Për sa u tradhëtua Jezusi?

-Tridhjetë copa argjendi .

9. Nga e dinte Jezusi që Juda do ta tradhëtonte Atë?

-Sepse Jezusi është Perëndi dhe Ai njeh çdo gjë.

-Nuk ka gjë që Jezusi të mos e dijë.

10. Si ishte buka shenjë e trupit të Jezusit?

-Ashtu siç u thye buka, trupi i Jezusit do të thyhej nga njerëzit e këqinj.

11. Si ishte vera shenjë e gjakut të Jezusit?

-Ashtu si vera ishte derdhur për t'u pirë, edhe gjaku i Jezusit do të derdhej gjithashtu.

12. Për kë tha Jezusi do të derdhej gjaku i Tij?

-Jezusi tha që gjaku i Tij do të derdhej për shumë njerëz.

-Pasi Jezusi dhe dishepujt e Tij ikën nga Jeruzalemi, ata shkuan në Malin e Ullinjve në një kopësht që quhej Gjetseman.

Le të lexojmë Marku 14:32-36

32-Pastaj ata arritën në një vend që quhej Gjetsemani; dhe ai u tha dishepujve të vet: ``Uluni këtu, deri sa unë të jem lutur".

33-Mori, pra, me vete Pjetrin, Jakobin dhe Gjonin, dhe filloi ta zërë frika dhe ankthi;

34-dhe u tha atyre: “Shpirti im është thellësisht i trishtuar, deri në vdekje; qëndroni këtu dhe rrini zgjuar”.

35-Dhe, si shkoi pak përpara, ra përmbys përtokë dhe lutej që, po të ishte e mundur, të largohej prej tij ajo orë.

36-Dhe tha: ``Abba, Atë, çdo gjë për ty është e mundur; largoje prej meje këtë kupë! Por jo atë që dua unë, por atë që do ti!''.

-Në kopshtin e Gjetsemanit, Jezusi filloi të lutej, sepse ishte i trishtuar thellë.

-Pse ishte Jezusi thellësisht i trishtuar?

-Sepse Jezusi e dinte që Ai do të vuante shumë.

-Sepse Jezusi e dinte se vuajtja që Atij i duhej të kalonte ishte më e tmerrshme nga çdo vuajtje tjetër mund të kishte kaluar ndonjë tjetër më parë.

-Megjithëse Jezusi ishte plotësisht Perëndi, Ai gjithashtu ishte plotësisht njeri.

-Ishte shumë e vështirë për Jezusin që të përballonte këtë vuajtje që ishte përpara Tij.

Le të lexojmë Marku 14:37-42

37-Pastaj u kthye mbrapa, i gjeti dishepujt duke fjetur dhe i tha Pjetrit: ``Simon, po fle? S'ke qenë i zoti të rrish zgjuar një orë të vetme?

38-Rrini zgjuar dhe lutuni që të mos hyni në tundim; sigurisht fryma është e gatshme, por mishi është i dobët''.

39-U largua përsëri dhe u lut duke thënë të njëjtat fjalë.

40-Kur u kthye, i gjeti përsëri në gjumë dishepujt, sepse sytë e tyre ishin rënduar dhe ata nuk dinin çfarë t'i përgjigjeshin.

41-Së fundi, kthehet për të tretën herë dhe u thotë atyre: ``Ende po flini dhe pushoni? Mjaft! Erdhi ora. Ja, Biri i njeriut po dorëzohet në duart e mëkatarëve.

42-Çohuni, të shkojmë; ja, ai që po më tradhton është afër!''.

-Kur Jezusi e mbaroi lutjen në kopshtin e Gjetsemanit, erdhën një turmë e madhe njerëzish me shpata e me shkopinj.

Le të lexojmë Marku 14:43-46

43-Dhe në atë çast, ndërsa ai ende po fliste, erdhi Juda, një nga të dymbëdhjetët, dhe me të një turmë e madhe me shpata e shkopinj, e dërguar nga krerët e priftërinjve, nga skribët dhe nga pleqtë.

44-Dhe ai që po e tradhtonte u kishte dhënë atyre një shenjë: ``Kë do të puth, ai është. Kapeni dhe çojeni me shoqërim të sigurt''.

45-Dhe si arriti, u afrua menjëherë tek ai dhe tha: ``Rabbi, Rabbi!''; dhe e puthi përzemërsisht!

46-Atëherë ata vunë dorë mbi të dhe e arrestuan.

-Kush po e drejtonte këtë turmë të madhe njerëzish me shpata dhe shkopinj?

-Juda.

-Pse kishin ardhur Juda me turmën e njerëzve?

-Për të arrestuar Jezusin.

-Kush po e drejtonte Judën që të arrestonte Jezusin?

-Satani.

-Kë tjetër drejton Satani?

-Të gjithë njerëzit që refuzojnë të dëgjojnë Fjalën e Perëndisë drejtohen gjithashtu nga Satani.

-Të gjithë njerëzit që refuzojnë të besojnë në Jezusin si Shpëtimtar janë gjithashtu të drejtuar nga Satani.

-Si e tradhëtoi Juda Jezusin?

-Me një të puthur.

-Ndërsa Juda puthi Jezusin, burrat që ishin me Judën e kapën Jezusin dhe e arrestuan Atë.

Le të lexojmë Marku 14:47-49

47-Dhe një nga të pranishmit nxori shpatën, i ra shërbëtorit të kryepiftit dhe ia preu veshin.

48-Atëherë Jezusi, duke iu përgjigjur, i tha: ``Paskeni ardhur me shpata e me shkopinj që të më kapni sikurse të isha një cub?

49-E pra, përditë isha midis jush në tempull duke i mësuar njerëzit dhe ju nuk më kapët; por kjo po ndodh që të përmbushen Shkrimet!"

-Çfarë donte të thoshte Jezusi kur tha që duhej të plotësoheshin Shkrimet?

-Jezusi po thoshte që të gjitha ato që Perëndia kishte thënë me anë të profetëve shumë vite më parë për Shpëtimtarin do të ndodhnin.

Le të lexojmë Marku 14:50

50-Atëherë dishepujt e lanë dhe ikën të gjithë.

-Pse ikën të gjithë dishepujt e Jezusit?

-Dishepujt ishin të frikësuar dhe nuk po e kuptonin përse po e arrestonin Jezusin.

-Çfarë nuk po kuptonin dishepujt?

-Dishepujt nuk po e kuptonin sesi Jezusi mund të ishte në gjendje për të qenë Shpëtimtari nëse Ai po arrestohej dhe do të vritej.

-Dishepujt nuk po e kuptonin sesi Jezusi mund të ishte në gjendje për t'i shpëtuar ata nëse Ai do të vdiste.

-Ku e çuan Jezusin njerëzit që e arrestuan Atë?

Le të lexojmë Marku 14:53-54

53-Atëherë ata e çuan Jezusin te kryepriifti, ku u mblodhën të gjithë krerët e priftërinjve, pleqtë dhe skribët.

54-Dhe Pjetri e ndoqi nga larg deri brenda në pallatin e kryepriiftit dhe u ul atje bashkë me rojat dhe ngrohej afër zjarrit.

-Njerëzit që arrestuan Jezusin e çuan Atë tek kryepriifti.

-Pjetri i ndoqi në një farë distance, por ai gjithashtu kishte frikë se mos e arrestonin dhe e vrisnin.

-Kur njerëzit e sollën Jezusin tek kryepriifti, të gjithë krerët e priftërinjve dhe drejtuesit judej u mblodhën bashkë për të gjykuar Jezusin.

Le të lexojmë Marku 14:55

55-Dhe krerët e priftërinjve dhe gjithë sinedrit kërkonin dëshmi kundër Jezusit për ta vrarë, por nuk po gjenin.

-Pse nuk ishin në gjendje drejtuesit judej që të gjenin ndonjë faj tek Jezusi?

-Sepse Jezusi nuk kishte bërë asnjë faj.

-Sepse Jezusi nuk kishte mëkatuar.

-Të tjerë dëshmuuan kundër Jezusit, por edhe dëshmitë e tyre ishin gënjeshtër.

Le të lexojmë Marku 14:56-59

56-Shumë veta në fakt jepnin dëshmi të rreme kundër tij; por dëshmitë e tyre nuk përkonin.

57-Atëherë disa u ngritën dhe dëshmuuan rrejshëm kundër tij duke thënë:

58-“Ne e kemi dëgjuar se ka thënë: "Unë do ta shkatërroj këtë tempull të bërë me duar, dhe brenda tri ditësh do të ndërtoj një tjetër që nuk është bërë me duar"”.

59-Por as mbi këtë dëshmia e tyre nuk përkonte.

-Megjithëse shumë dhanë dëshmi të rreme ndaj Jezusit, drejtuesit judej akoma nuk ishin në gjendje të gjenin ndonjë faj tek Jezusi.

-Ashtu siç kishte thënë Perëndia me anë të profetëve shumë vite më parë, shumë dëshmitarë të rremë do të dëshmonin gënjeshtër për Shpëtimtarin.

-Pastaj, kryepriifti u ngrit më këmbë dhe i foli Jezusit.

Le të lexojmë Marku 14:60-62

60-Atëherë kryepriifti u ngrit në mes të kuvendit dhe e pyeti Jezusin duke thënë: “Nuk përgjigjesh fare? Çfarë po dëshmojnë këta kundër teje?”.

61-Por ai heshti dhe nuk u përgjegj fare. Përsëri kryepifti e pyeti dhe i tha: ``A je ti Krishti, Biri i të Bekuarit?"

62-Dhe Jezusi tha: ``Unë jam. Dhe ju do ta shihni Birin e njeriut të ulur në të djathtën e Pushtetit dhe duke ardhur me retë e qiellit".

-Kur njerëzit po jepnin dëshmi të rreme kundër Jezusit, Ai rrinte i qetë dhe nuk përgjigjej.

-Pse nuk përgjigjej Jezusi?

-Jezusi e dinte që Perëndia At do ta drejtonte Atë.

-Jezusi e dinte që Perëndia At ishte në kontroll të të gjitha gjërave që do t'i ndodhnin Atij.

-Pastaj, kur kryepifti i foli Jezusit dhe e pyeti nëse Ai ishte Krishti, Biri i Perëndisë, si iu përgjigj Jezusi?

-Jezusi u përgjigj dhe tha, "Unë jam."

-Kur Jezusi erdhi për herë të parë në tokë, Ai erdhi si Perëndia Shpëtimtar për të shpëtuar të gjithë njerëzit.

-Kur Jezusi të kthehet në tokë, çdo njeri do ta shohë Atë të ulur në anën e djathtë të Perëndisë At.

-Kur Jezusi të kthehet në tokë, çdo njeri do ta shohë që

Jezusi është Perëndi.

-Çfarë bëri kryepriifti kur ai dëgjoji fjalët e Jezusit?

Le të lexojmë Marku 14:63-64

63-Atëherë kryepriifti, duke i shqyer rrobat, tha:
"Ç'nevojë kemi më për dëshmitarë?"

64-Ju e dëgjuat blasfeminë, ç'ju duket?". Dhe të gjithë gjykuan se meritonte vdekjen.

-Pse e grisi kryepriifti rrobën e tij?

-Kur judejtë ishin shumë të zemëruar ose të shqetësuar, e kishin si zakon të grisnin rrobat e tyre.

-Pse ishte i zemëruar kryepriifti?

-Sepse Jezusi tha që Ai ishte Perëndi.

-Pse tha kryepriifti që Jezusi duhet vvarë?

-Kryepriifti tha që Jezusi kishte sharë Perëndinë.

-A e shau Jezusi Perëndinë?

-Jo.

Le të lexojmë Marku 14:65

65-Atëherë disa filluan ta pështyjnë, t'ia zënë fytyrën, ta qëllojnë me shuplaka dhe t'i thonë: ``Profetizo!". Dhe rojat e godisnin.

-Ashtu siç kishte thënë Perëndia me anë të profetëve shumë vite më parë, Shpëtimtari do të goditej dhe do të pështyhej.

-Kryepriifti dhe drejtuesit judej atëherë e dënuan Jezusin me vdekje.